

PEMBERITAHUAN PERTANYAAN DEWAN RAKYAT

PERTANYAAN : LISAN
DARIPADA : DATO' FAUZI BIN ABDUL RAHMAN
[INDERA MAHKOTA]
TARIKH : 26.05.2016
SOALAN : 34

Dato' Fauzi bin Abdul Rahman [Indera Mahkota] minta **PERDANA MENTERI** menyatakan bilakah Kerajaan akan membentuk satu Suruhanjaya khas bagi SPRM bagi memungkinkan ia bergerak sebagai satu badan bebas dalam erti kata yang sebenarnya. Hal ini telah dipersetujui pada dasarnya oleh YAB Perdana Menteri dalam satu pertemuan di antara YAB Perdana Menteri dengan Ahli-ahli Jawatankuasa Khas Mengenai Rasuah (JKMR) tempoh hari.

JAWAPAN: YB SENATOR DATUK PAUL LOW SENG KUAN
MENTERI DI JABATAN PERDANA MENTERI

Tan Sri Yang di-Pertua,

Keprihatinan Yang Berhormat dalam usaha memantapkan SPRM dalam menangani jenayah rasuah amat dihargai. Justeru itu, Kerajaan sentiasa menambahbaik usaha-usaha mencegah jenayah rasuah di negara ini termasuklah penambahbaikan dari segi undang-undang dan memperkemaskan prosedur-prosedur sedia ada.

Kerajaan pada dasarnya bersetuju supaya ditubuhkan Suruhanjaya Perkhidmatan bagi SPRM namun melibatkan pindaan Perlembagaan yang memerlukan sokongan 2/3 majoriti Ahli Parlimen. Sebelum ia dapat dibentangkan di Dewan Rakyat, kajian secara menyeluruh dan proses 'engagement' melibatkan Ahli-ahli Parlimen dari pelbagai parti hendaklah dilaksanakan. Sehingga kini proses 'engagement' masih berjalan di seluruh Negara.

Sekian, terima kasih.